

# Perdigueiro Galego

12



## Breve historia

As súas orixes remóntanse ó tipo antigo de braco italiano que, orixinariamente, chegou a Hispania, hai séculos, cos romanos e estableceronse en toda zona comprendida entre o norte da provincia da Lusitania e o sudoeste do que hoxe é Francia, sufrindo cambios morfolóxicos nas diferentes rexións xeográficas.

## Aparencia xeral.

Can de tipo bracoide, de tamaño mediano, eumétrico e mesomorfo; ben proporcionado, de aspecto rexo, con peito amplio e con estrutura sólida, trotador, de movementos flexibles, forte e resistente, é excelente como can de mostra e bo cobrador, realizándoo tanto en terra como en auga.

## Temperamento e comportamento.

Animal de carácter dócil, obediente e agarimoso, presenta un temperamento de gran coraxe e valentía na caza. Presenta un gran olfacto e é un buscador activo, tanto ventando como tamén por rastro, que bate o terreo con método, atención e minuciosidade, adaptándose ós máis variados terreos e climatoloxía, mantendo un contacto continuo co cazador, presentando unha mostra firme e ríxida. Traballa utilizando alternativamente o trote co galope curto. Tamén se pode adestrar para a caza de pelo (coello e lebre).



## Movemento.

É un animal de movementos flexibles, con trote amplio, de cadencia rítmica.

**Pel.** A pel debe ser delgada e adherida ó corpo.

**Capa (cor).** Branca e pencada ou manchada en castaño, laranxa, canela e negro. Mantos ternarios, tricolores brancos en castaño e negro, con manchas lume nas cellas e meixelas. Tamén uniformes en castaño, amarelo ou negro.

**Pelo.** Curto, grosso, moi denso, liso e áspero.

## Tamaño.

### Alzada á cruz.

De 50 a 60 cm:  
machos de 55 a 60 cm ----- femias de 50 a 55 cm

# Perdigueiro Galego



**CABEZA** grande [aproximadamente 4/10 a alzada á cruz] forma prismática, larga, liñas craneofaciais converxentes. Perfil recto, protuberancia occipital destacada, suco cranial medio que chega á cara.

A **FRONTE** posúe senos amplos e moi desenvolvidos.


A **DEPRESIÓN FRONTONASAL** é marcada.

O **FOCIÑO** é amplio, recto e cadrado. O **NARIZ** é grande, en ocasións algúns exemplares presenta o nariz fendido. Os **BEIZOS** son grosos e caídos, sen dar sensación de frouxidade nin babeo.

Os **OLLOS** son grandes, brillantes, xeralmente escuros e coas pálpebras adheridas.

As **ORELLAS** son de inserción alta, largas, grandes, delgadas e pegadas á cara, sen formar pregamentos e co bordo inferior redondeado e orientadas levemente cara adiante.

O **PESCOZO** é longo, musculoso, co bordo superior recto ou levemente arqueado. Algúns exemplares poden presentar lixeira papada.



As **EXTREMIDADES** son rejas, verticais e rectas.

O **CORPO** é rectangular.

Posúe gran capacidade **TORÁCICA**.

A **LIÑA DORSOLUMBAR** é recta e horizontal.

Os **LOMBOS** son largos e curtos.

O **PEITO** é ancho e profundo.

O **COSTELAR** é longo e un pouco arqueado.

O **VENTRE** non está moi recollido.

A **CRUZ DOS CADRÍS** é ancha.

O **RABO** non adoita ser excesivamente longo, é grosso e robusto na base, adelgazando progresivamente.

As **EXTREMIDADES ANTERIORES** presentan as **COSTAS** algo inclinadas, con **BRAZOS** musculosos e **PÉS** con tendencia a ser más redondos ca ovalados.

As **EXTREMIDADES POSTERIORES** presentan uns **PERNÍS** longos, largos, musculosos e oblicuos, con **XARRETES** paralelos e en prolongación coa liña vertical das cachas. Os **PÉS** un pouco más redondeados cós anteriores.